

terre, le fleur de Beaulieu presenta vn boutefeux à Monsieur le Gouverneur, qui alluma cette machine, & fit dire aux Sauvages, notamment aux Hurons, que les François estoient plus puiffans que les Demons, qu'ils commandoiët au feu, & que s'ils vouloient bruler les bourgades de leurs ennemis, qu'ils auroient bien toft fait.

Le iour de la Feste nostre Eglise fut remplie de monde, & de deuotion, quasi comme [20] en vn iour de Pasques, chacun beniffant Dieu de nous auoir donné pour protecteur; le protecteur & l'Ange Gardien (pour ainsi dire) de Iesus-Christ son Fils. C'est à mon aduis par sa faueur, & par ses merites, que les habitans de la nouvelle France demeurans sur les riués du grand fleue faint Laurent, ont resolu de recevoir toutes les bonnes coustumes de l'ancienne, & de refuser l'entrée aux mauuaises.

Voicy vne loy fainte, publiée & receuë avec amour & honneur dans le sein de nos temples, c'est qu'en ces lieux sacrez, où on va adorer le crucifix, chargé de mepris, on n'a point d'égard du tout à la preference; mal-heur à celui, qui par son orgueil attentera de violer cette fainte coustume. Helas s'il falloit prendre garde à qui c'est à passer deuant, quand il faut aller adorer Iesus-Christ attaché en croix, nous ferions vne Babylone, au lieu d'une fainte Sion, & nous irions chercher l'humilité avec orgueil. Je benis Dieu de ce que les esprits, qui auroient plus d'interests selon le monde dans ces preferences, ou messances pour les nommer ainsi, font les premiers à fouler aux pieds ces puerilitez indignes d'un esprit fort. Et à dire vrai, tant que nous aurons vn Gouverneur [21] ami de la vertu, & que nous aurons la parole